

## كراكيب

وانا بلم سطورى م الغربه  
وبفتح للزمن مشاوير  
لقت احلامي مدهوسه  
ومرميه ف غربه ليل  
ومراية عمري مكسوره  
متبعزق فيها ايامي  
مع الكراكيب  
والدمع إللي كان راكن  
في نن العين .. طفح غربه  
لميت إللي اتبدر مني  
ومشيت الغربه من ثاني  
وحطيط للسطور عناوين  
وفعز توهة الايام  
ضاعت حروف الآه  
وتاهت المشاوير

واتمسح ضلي م السكه  
وانا بعافر...حلاوة روح  
امد الخطوه ...ترجع بي  
والآقي إيديه ممدوده  
وواخداني علي امبارح  
براح بلون الغربه والاحزان  
وصوت في عز الضلمه بيندهلي  
يشد جروحي من روعي  
ويسلخ جلدي إلی متبقي  
يتوه الحرف والمعني  
والآقي سطوری ممسوحه  
ألم دموعي فوق كفي  
وادويب فيها صوت بكره  
الآقي بكره .....ومبارح  
متدويين في نفس ....الكف  
.....وانا بشرب